

邊及深更青女一人來于一條次郎忠賴之陣稱有可申事忠賴乍怪招于火爐頭謁之云云吾者當宮大祝篤光妻也爲夫之使參來略○中忠賴殊信仰自求出野劔一腰腹卷一領與彼妻依此告則出陣襲到平氏方人管冠者伊那郡大田切鄉之冠者聞之未戰放火於館自殺之間各陣于根上河原相議云去夜有祝夢想今思管冠者滅亡預明神之罰歟然者奉寄附田園於兩社追可申事由於前武衛歟者皆不及異儀召執筆令書寄進狀上宮分當國平出宮所兩鄉也下宮分龍市一鄉也而筆者誤書加岡仁谷鄉此名字衆人未覺悟稱不可然由再三雖令書改每度載兩鄉名字之間任其旨訖相尋古老之處號岡仁谷之所在之者信義忠賴等附掌上下宮不可有勝劣之神慮已揭焉彌催強盛信歸敬禮拜其後於平家有志之由風聞之輩者多以紕斷云云

〔吾妻鏡〕三壽永三年元曆二月三十日己丑信濃國東條庄內狩田鄉領主職避賜式部大夫繁雅訖

此所被沒收之處爲繁雅本領之由愁申故云云

〔吾妻鏡〕六文治二年十一月八日辛亥藤澤一余盛景依諏方大祝訴去比蒙御氣色今日所預厚免也

略○中

下 信濃國黑河內藤澤

可令早任先日御下文旨專大祝下知勤仕神事等事

右件兩鄉御寄進諏訪大明神神外全無他勤而余一盛景已忘本跡抑留恒例之御狩忽緒拜殿造

營之由事以彼對捍之時無左右雖可令改之早任先例且令勤仕御狩且可令修造拜殿之狀耳敢

不可及遲々略○中

元曆三年十一月八日

〔吾妻鏡〕五十一弘長三年三月十七日丁酉最明寺禪室買得信濃國深田鄉今日寄附善光寺所被充

置不斷經衆不斷念佛衆等糧料也偏思食來世值遇云云